

# Uphissen brengt nix Goods

**I**k doch, dat wi de Corona-Tied mitnanner dörstahn sullen, daar hebben doch all Politikers van proot! Un trecken se over de, de noch neet impft sünd, mall her.“ Meta schüddkoppt. „Weetst du noch, wat för en Theater dat weer, hier in Oostfriesland overhoopt an en Impfung to komen? Ewig lang harr uns Huusdokter keen Impfstoff, un as wi enkel dran west weren, wurren de



Cornelia Nath

Ollersgrenzen ofschaft.“ Meta schüddkoppt noch maal. „Ja, wi mussen daar düchtig achtertositten. Blot de Harden kregen en Sprütz“, lacht Jan. „Un well neet hard weer, de sall nu för de Tests betahlen un keen Lohn mehr kriegen, wenn he in Quarantäne mutt?“, fraagt Meta. „Naja, dat giff ok welken, de sük overhoopt nich impfen laten willen“, giff Jan to bedenken. „Man du hest Recht: En gemeensaam Dörstahn van de Pandemie is dat nich. Daar word en

Deel van uns Geselskupp unner Dwang sett.“ „Glöövst du egentlik, dat dat vör 't Recht bestahn kann?“, fraagt Meta. „All, de Corona ut de Sömmerrurlaub mitbrocht hebben, kunnen sünnere Nadelen in Quarantäne, un de, de in Huus bleven un vörsichtig west sünd, de sölen nu keen Geld mehr kriegen, wenn se in Quarantäne mutten? Dat kann doch neet recht wesen!“ Jan will Meta en bietje targen: „Ik segg di 't, wenn de Wahlen vörbi sünd, slaan se seker noch vör, dat Corona-Kranken de Krankenhauuskösten sülvst betahlen sölen.“ Meta markt sien Vernarrbrukeree nich un schütt los: „Dat weer ja woll dat Allerleste! Ik mutt mit mien Krankenkassenbidrag all Kösten mitdragen för Minsken, de sük bi de Sport of in Urlaub of in de Freetied de Benen breken of annerswat anhalen. Dat is ‚Solidarge-meenskupp‘. Man bi Corona giff dat keen Solidarität?“ „Dat hebb ik doch blot ut Spaaß seggt!“, röppt Jan. „Ik finn dat doch netso leep as du, dat dat bi Corona all tegennanner angahn. Un dat Heer Gauck, de frö-

## KOLUMNE

Moin, Moin  
**Schrievers** moje  
allerbest hoop  
Pläseer **Vertellsel**  
Smüstern

## Platt maakt

here Bundespräsident, de Minsken, de sük nich impfen laten willen, as ‚dösig‘ betekent, wist, wo wied dat al utnannerfallt.“ Meta schüddkoppt för 't darde Maal. „Impft Minsken können doch ok immer noch annern anstecken. Warum bliff man neet einfach bi de Mundschool un dat Testen? Dann kunnen all an dat Leven in de Geselskupp deelnehmen. Een, de test, man neet impft is, is amenn för sien Mitminsk minner gefahrelek as een, de impft is un sünnere Test neet markt, dat he Corona hett.“ „Ik glööv, dat Demokratie Utmannersetten un Vertroen bruukt“, seggt Jan. „Minsken runnermaken of unner Druck setten bringt nix Goods. Dat kunn de Politikers noch up de Foten fallen.“